

READINGTON
Restaurant
Bed & Breakfast

Mawlai Mawlong Rim
Shillong, Meghalaya

81320 00254 / 93781 87148
/87875 66272

Mawphor

Khabor Khasi Ba Man Ka Sngi
Ba Nyngkong

READINGTON
Restaurant
Bed & Breakfast

Mawlai Mawlong Rim
Shillong, Meghalaya

81320 00254 / 93781 87148
/87875 66272

VOL. XXXV (35) NO. 199 RNI REGD. NO. 70648/99 SHILLONG -24 NAITUNG (JULY) SNGI BALANG (WEDNESDAY) 2024 mawphor.com Postal Regn. No. NE - 851. 5/- TYNGKA

Ioh kyrdan PhD U Samla Kumbamutlang War



U Samla Kumbamutlang War u la ioh ia ka kyrdan Doctor Of Philosophy na ka Department Of Civil Engineering jong ka Indian Institute Of Technology, Madras halor ka thesis "COUPLE HYDRO MECHANICAL BEHAVIOUR OF CLAY-RICH CAPROCK DURING CARBON DIOXIDE GEOSEQUESTRATION" hapoh ka jingpeit jong u Professor Dr. D.N. Arnepalli. U Samla Kumbamutlang War u dei u khun jong i Tbn S. Pyngrope, MES, Retd Secretary PWD (R&B) Meghalaya bad i Kong Balahuncy War ba shong ba sah ha Khliehshnong, Golfinks, Shillong.

3 klur ka skhim ban ai jingmyntoi ia ki longkmie, ong ka Nirmala

Shillong, Naitung 23: Ka Mang Tyngka 2024-25 jong ka Sorkar pdeng ba la wanrah ha Parliament mynta ka sngi da ka Nirmala Sitharaman, Myntri Sorkar Pdeng ba dei khmih ia ka Tnat kam pla tyngka ka pyni ia ka jingkut jingmut jong ka sorkar ban kyntiew ia ka bynta jong ki longkmie ha ka jingkyntiew ia ka ioh ka kot.

Ka Myntri Kam Pla tyngka ka la pynbna ka jingmang pisa kaba palat T. 3 lak klur na ka bynta ki skhim ban ai jingmyntoi ia ki longkmie bad ki khynnah Kynthei. La thmu ia kane kum

Shah tuh ki thuk thuk na ki ar jaka

Shillong, Naitung 23: Ka khabor ba la ioh na ki pulit la iathuh ba u Bah Banmaithang Iawim u la phah ka jingujor ba ha ka mied jong ka 19 tarik mynta u bnai, ki runar bym lah ban ithuh ki la tuh ia ka thuk thuk jong u kaba don u nombor ML-05AC-4964 napoh ka iingsah jong u kaba Lumsohphoh, Laitumkhrar, Shillong.

Ha kawei pat ka jingjia ki

Wanrah ka FM ia ka mang tyngka ba 2 lak klur tyngka, yn hiar dor ki dawai Cancer bad Mobile

New Delhi, Naitung 23: Ka Myntri ka tnat pla tyngka jong ka ka Nirmala Sitharaman, mynta ka sngi ka la wanrah ia ka mang tyngka jong u snem 2023-'24.

Ha kane ka mang tyngka kaba nyngkong eh jong ka sorkar NDA 3.0. Ha kane ka mang tyngka, ka Niramala ka la iathuh ba ka sorkar ka pylleit jingmut na ka bynta ki brieve kiba duk, ki longkmie, ki samla bad ki nongrep.

Shuh shuh ka la ong ba ka mang tyngka kan peit ruh na ka bynta ban kyntiew ia ka ioh ka kot kaba mynta ka la jan poi sha ka 4 percent ha kaba ka la ong ba ka ioh ka kot ka la nang tyngshai katba nang mih ki sngi.

Ka Niramala ka la ong ruh ba ka sorkar

kan peit ba ki jhur ki jhep kidei ban poi sha ki iew ki hat bad ka sorkar kan wanrah ia ka support price na ka bynta ki mar rep. Nangta kan bteng ruh ia ka jingjai khaw ei lyngba u khaw reshon kaba la wanrah ka jingmyntoi kumba 80 klur ngut ki nong India.

Ha kane ka mang tyngka ka Myntri ka la ong ruh ba lyngba u Myntri Rangbah Duh yn wanrah ia ki skhim ban myntoi kumba 4 klur ngut ki samla ha ka ri, ka ban iarap ia ki ha ka liang ka ioh kam ioh jam ha kine ki san snem ban wan.

Lyngba kane ka mang tyngka ka sorkar ka la pynhiar ruh ia ka khahna na ka bynta ki dawai sumar pang cancer bad kumjuh ruh la pynhiar ia ka khajna jong ki mobile phone.



Na ka 253 lak, 60 tylli ki iing baduk, 200 tylli ban moramot, 500 ngut ki nongrep bad treikam lajong

Shillong, Naitung 23: U Bah Ardent Miller Basaiawmoit, MLA Nongkrem, mynta ka sngi, u la pyllait paidbah ia ka MLA Scheme jong u snem 2023-'24 baroh 250 lak tyngka bad kynthup ruh ia ka 3 lak tyngka, kaba dei na ka ISYDP, kaba long baroh 253 lak ne 2.53 Klur tyngka.

Na kane ka 253 lak tyngka, u Bah Ardent u la mang na ka bynta ki 60 tylli ki iing baduk mar 75 hajar tyngka kawei, kaba long baroh 45 lak tyngka.

Nangta 200 tylli ki iing mar 25 hajar tyngka kawei na ka bynta ban pynbna ne pynkha kamra kaba long baroh 50 lak tyngka. Nangta ka jingiarap kaba mar 10 hajar tyngka sha ki 500 ngut ki nongrep bad ki brieve kiba seng ki dukan rit ne ki kam la jong bad ka long baroh 50 lak tyngka.

Pyllait u Bah Ardent ia ka MLA Scheme 2023-'24



Ki paitbah ki dang ai khublei ia u Bah Ardent. (Dur : Mawphor)

Nalor kine, u Bah Ardent, u la pynmang ruh na ka bynta ka jingshna ia ka skul Pomlakrai Presbyterian Secondary School, Pomlakrai 20 lak tyngka, nangta ka skul

Lumkynsai Presbyterian LP & UP School, Smit 12.50 lak tyngka, ka Nongkrem Presbyterian Secondary School 15 lak tyngka, St. Bteng Sla 7

Ka Sorkar Jylla ka kwah ban kyntiew ia ki kam ri ngap ha ka jylla, ong u Conrad

Shillong, Naitung 23: U Myntri Rangbah ka jylla u Conrad K Sangma ha ka sngi ba-ar u la buh ia u maw nongrim na ka bynta ban tei ia ka Apiculture Multi Facility Centre ha Mellim kaba ha South West Garo Hills ha ka jingiadonlang u Myntri ka tnat pule puthi u Rakkam A Sangma bad u MLA Sanjay A Sangma.

Ia ka pisa kaba la mang kumba T. 1.52 klur ban pyntri kam ia kane ka project la aiti sha Mellim Area Beekeepers Society, bad ka first instalment na ka bynta kaba la kot sha ka T 67 lak la pynlait. Kane ka project ka kynthup ia ka jingitei ia ki iing, ki surok bad ka boundary wall bad kumjuh ruh ia ka storage jong ki kam ri ngap.

La ong ba ki la don kumba 200 ki nongrep ngap kiba don bynta ha ka kam ri ngap ha Mellim. Kane ka rai ban buh ia ka centre la shim da ka jingai jingmut jong ka Beekeepers Society ha ka jingleit jurip jong u Myntri Rangbah ka jylla sha kane ka thaii ha ka 6 tarik mynta u bnai.

Bteng Sla 7

Ba don ki dak mong ha kti bad ym hun ia ka kaiphod PM

Dawa thung Magisterial Enquiry ki bahaiing ka samla pule Shillong Polytechnic



Ki nongialam sengbhalang na rilum Garo kiba dang aiti ia ka dorkhas ha ka Deputy Commissioner ka East Khasi Hills ka Kong RM Kurbah ha ka sngi Baar. (Dur : Mawphor)

Shillong, Naitung, 23: Ki bahaiing hasem ryngkat ka jingsynran lang jong ki nongialam sengbhalang na rilum Garo ha ka sngi Baar ki la aiti ia ka dorkhas ha ka Deputy Commissioner jong ka East Khasi Hills District ka Kong RM Kurbah bad dawa ruh ban thung da ka Magisterial Enquiry halor ka jingiap jong ka samla pule Diploma ha ka Civil Engineering ka Diana Dimre Ch. Marak, 24 snem ka rta ha ka jaka pule ha Shillong Polytechnic, kaba don ha Mawlai, Shillong.

Ia ka met ba la sdien phasi jong ka samla Diana Dimre Ch. Marak ha ka grill jingkhangiit ha ka Girl's Hostel ha Shillong Polytechnic, Mawlai ha ka mala kaba nyngkong la lap da u Chowkidar u Bah Khrawkupar Suchiang ha ka por 2:00 baje mynstep ha ka 6 tarik, Jymmang, 2024.

Ia ka met jong kane ka samla ka sah ha ka shnong Upper Babupara, Tura, West Garo Hills District la tep donburum ha ka 7 tarik, Jymmang, 2024 hadien ba la aiti noh sha ki bahaiing hasem hadien ka jingleh post mortem.

U Pritam ka FKJGP, Garo Hills u Pritam Areng ha ka jingiakren bad ki lad pathai khabor u la iathuh ba ka Deputy Commissioner ka la kular ban thung ia ka Magisterial Enquiry katkum

Bteng Sla 6

Khlem pyndem ka Meghalaya ha ka sorkar NDA sha ka 29 tarik Naitung pynkynriah rakhe NEP 2020

Shillong, Naitung, 23: Haka sien ba nyngkong eh ba ka sorkar MDA hapoh ka jingialam jong u Conrad K Sangma kum u Myntri Rangbah ka la rai ban ieng pyrshah ia ka rai ne hukum jongka sorkar NDA ba ialam da u Modi ban pynlong skul beit ha ka Sngi U Blei kata 28 tarik Naitung 2024 ban rakhe ia ka jingdap saw nem ka National Education Policy (NEP) 2020. Ka ophis jong ka State Education Mission Authority of Meghalaya (SEMAM), Samagra Shiksha Abhiyan (SSA) lyngba u State Project Director u Swapnil Tembe uba dei ruh u

Director jong ka State Education and Literacy (SE&L) ha ka sngi Baar u la pynmih ia ka jingpynbna ba la pynkynriah noh sha ka 29 tarik Naitung, 2024 kaba hap ha ka lah Sngi u Blei ha kaba iadei bad ka jingpynkut ia ka jingrakhe ka jingdap 4 snem ka jingiaid lynti jong ka National Education Policy (NEP) 2020.

Ka jingpynkylla noh ia ka tarik ka dei namarba ka Ministry of Education ka Sorkar India ka la buh sngi ban pynkut ia ka jingrakhe ha ka sngi u Blei, ka 28 tarik, Naitung, 2024.

Bteng Sla 7

Kyrmen u Myntri barim ba ka jingmang tyngka kan wanrah jingkylla ha ka nongkyngdong

Shillong, Naitung 23: U Myntri barim ka Tnat Pule puthi bad MLA ka Amlarem Bah Lahkmen Rymbui, ula pynpaw ia ka jingkyrmen ba ka mang tyngka 2024-25 jong ka ri kan wanrah ia ka jingkylla kaba khaw ia ki jaka nongkyngdong bad kan plie lynti ban iakhun ia ka jingbym iohkam iohjam.

Ka Myntri Pla tyngka ka Ri Nirmala Sitharaman ka la wanrah ia ka mang tyngka ba pura jong u snem mang tyngka 2024-25 hynne ka sngi Ba-ar kaba dei ruh ka

mang tyngka ba 7 ba kan wanrah ma ka.

U Bah Lahkmen ula ong, "Ka mang tyngka ba la pynpaw hynne ka sngi ka dei ka jingpynbngteng ia ki sien jam jong ka Sorkar India bad u Myntri Rangbah Duh ha kine ki shiphew snem ba la leit bad thmu ban kyntiew ia ka ri baroh kawei".

"Watla ka mang tyngka kan nym pynhun ia baroh, ka mat ba sngewkhia eh ki brieve ka dei ka jingbym iohkam iohjam. Da ki sienjam bapher

Bteng Sla 7

Ka jingshah khot hajir kan ym pyntieng ia ki dkhot ka KSU, ong u Samla Iashan

Shillong, Naitung 23: Ki pulit ka jylla ki la khot hajir biang ia ki nongialam jong ka KSU Malki Circle ha kaba iadei bad ka jingkhynra ia ki bar jylla ki bym biang ia ki kot ki sla kaba iadei ruh bad ka kam work permit.

Haba kren sha ki lad pathai khabor na ka liang u samla Iashan Mukhim President ka Malki Circle u la pynpaw ka jingsngewkhia halor ka jingkren jong u Myntri Rangbah ka jylla u Conrad Sangma uba la ong ba kam don satia ka Work Permit ha kane ka jylla bad ong ba kane ka jingkren u Myntri Rangbah ka la pynshlur pynban ia ki bar jylla ban wan seng kam sha kane ka jylla.

U la ong ba kane ka

jingkren jong u Myntri Rangbah bym don work Permit kan ai lad ia ki bar jylla ban wan seng kam bad kane ka pynshlur ia ki bar jylla ban leh ruh ia ki kam beaii khlem da bud ia ki kyndon jong ka sorkar ne ka KHADC bad kumjuh ruh ia ki kyndon jong ki dorbar shnong.

Ha kaba iadei bad kane

Bteng Sla 7

Bat naphang ki Pulit ia ki kali tah iit iong

Shillong, Naitung, 23: Ki Pulit pyniaid kali jong ka Shillong Traffic Police (STP) ha ka sngi Baar ki la bat naphang ia ki kali rem dor kiba tah platie rong iong ia ka iit jingkhang kali tang hapoh 24 kynta ba u Superintendent of Police (SP) ka East Khasi Hills District u Bah S. Nongntang u la pynmih da ka jingmaham ha ka Lah Sngi u Blei.

Ki Pulit kiba pyniaid kali ha Rilbong Point, ki la ioh bad da ki phew tylli ki kali jong ki riempaidbah kiba pynkheii ia ka hukum da kaba tang plastik rong iong ia ka iit jingkhang kali ha kaba la pynieng sharud surok bad la tar ruh hakhmat jong ki irai kali.

Ha kane ka sngi, la sakhi ruh ba ki Pulit ki la bat ia ki thuk thuk ar shaka ban tohkit la ki biang neem ki kot ki sla.

Kum ban shu pynkynmaw, u Superintendent of Police ka

Bteng Sla 7

Ka PMJUGA kan long ka jingmyntoi ia ki riwulum, ong ka Nirmala

Shillong, Naitung 23: Ka Myntri Sorkar Pdeng ba dei khmih ia ka Tnat Kam Pla Tyngka, ka Nirmala Sitharaman ka la pynbna ba ka sorkar kan plie paidbah ia ka Pradhan Mantri Janatiya Unnat Gram Abhiyan, haba wanrah ia ka Mang Tyngka 2024-25 jong ka sorkar pdeng ha Parliament hynne ka sngi.

Ka Myntri Kam Pla

Tyngka ka la ong ba ka Abhiyan kan kyntiew ia ka jinglong ha ka imlang sahlang bad ka ioh ka kot jong ki jaitbynriew riwulum. Da kaba batai ba la thmu ban pynpoi lut ki kam na ka bynta ka jingkyntiew ia ki jingdon jingem bad ban wanrah ia ka hok ha ka imlang sahlang.

Ka Myntri pla pisa ka la bynrap shuh shuh ba ka skhim kan kynthup lut ia baroh ki longiing jong ki riwulum kiba sah ha ki shnong ba bun paid ki riwulum bad ki aspirational district.

Ka Pradhan Mantri Janatiya Unnat Gram Abhiyan ka thmu ban kynthup 63,000 tylli ki shnong bad ka thmu ban ai jingmyntoi ia 5 klur ngut ki riwulum ha kylleng ka ri.

Rah skong biang u Modi ia ka RSS kum ka bor na lyndet pyrda

KA IITKHMIIH

- H.T. Wells

Ka sorkar National Democratic Alliance (NDA) ba la lam khmat da ka BJP kumba iuhdong bseii ha ka 9th July 2024 ka la pynmih kawei ka hukum lyngba ka Department of Personnel and Training, ka ong ba ka hukum ba la pynmih da ka sorkar Congress ha ka 1966, 1970 & 1980 ban khanglad ia ki shakri sorkar ban ia shim bynta kum ki dkhot jong ka RSS la pynkylla

noh bad la rai ban weng ia ka kyntien Rashtriya Swayamsevak Sangh (RSS) na ka official memorandum. Ka daw ba ka sorkar u Modi ka ai hana, namar ba ka jingnoh synniang jong ka Sangh na ka bynta ka jingsuk jingshgaii jong ka ri, ban tehsong ia ka ri bad iarap ia ka imlang sahlang ha ka por jong ki jingpynjulor ka mariang, ki nongialam jong ka ri ki iaroh bad pyrto ia ki kam babha jong ka Sangh.

Ka Sangh ka kynnoh ruh tang namar ka jingbit jingbiang jong ka party ba synshar ha katei ka por, ka sorkar ka kheiñ be-aiñ (banned) noh ia ka jingshim bynta jong ki nongtrei sorkar bad ka Sangh, kat kum ka jingpyllait khabor jong ka RSS. Ia katei ka hukum la iarah da ki nongialam jong ka BJP kiba kynthup naduh u Piyush Goyal, Sambit Patra, Giriraj Singh bad kiwei pat ki heh jong ka RSS. Kaba lyngngoh ka long kumno ba ka sorkar ritpaid jong u Modi ka nud ban shim ia ki rai kiba ktah ia ka bha ka miat jong ka

ri India hi baroh kawei khlem da pyrkat ha ki sohkyrdot kiba lah ban mih nangta. Lada ki nongtrei sorkar ki lah ban rung dkhot bad ban treikam bad katei ka seng trei monsgewbha jong ki Hindu, kan eh aiu ba kin rung dkhot sha kiwei pat ki NGOs ?, namar shisien ba phi la plie lad, la eh ban khang bad lada u nongtrei sorkar u trei sengbhalang, te baroh ki confidential matters jong ka sorkar kin poi lut sha shkor jong ki NGO, te kan jia aiu ia kata ka sorkar.

Nga ngeit kawei pa kawei ka sorkar Jylla ha India, ki don la ka jong ka jong ka aiñ ban khanglad ia ki nongtrei sorkar ban nym ia shim bynta bad kino kino ki seng. Kum ka jingpynkynmaw ha Meghalaya ruh ha ka por ba thnam bha ka jingiakhih ka KSU hapoh ka jingialam jong u Bah Bull N. Lyngdoh ha ki snem 1987-88 terter, ka sorkar ka la pynmih hukum ban khang pyrkhing ia ki nongtrei jong ka ban iashim bynta bad ki sengbhalang. Dangshen,

Bteng Sla 7



U Lat ka Jylla, u Phagu Chauhan ha ka sngi Ba-ar u la plie ia ka Library jong ka KHADC ha ryngkat ka jingdonlang u CEM, Deputy CEM, Deputy Chairman, ki Executive Member, ki MDC bad ki ophisar jong ka Council. Kane kadei ruh ka sien kaba nyngkong eh ba uno uno u Lat ka Jylla un iuhkjat ha KHADC ha kine ki 73 snem. (Dur : Mawphor)